

蕭 黃 陳
麗 海 永
華 鵬 正

副 主
主 編

中華當代教授詩詞選

餘事集

中山大學出版社

餘事集

中華當代教授詩詞選

陳永正 主編

蕭麗華 黃海鵬 副主編

副主編

中山大學出版社

版權所有 翻印必究

圖書在版編目 (CIP) 數據

餘事集：中華當代教授詩詞選 / 陳永正主編。—廣州：中山大學出版社，2011.4

ISBN 978-7-306-03773-2

I. 餘… II. 陳… III. 詩詞—作品集—中國—當代 IV. I227

中國版本圖書館 CIP 數據核字 (2010) 第 202511 號

出版人：祁 軍

策劃編輯：劉麗麗

責任編輯：劉麗麗

封面設計：賈 萌

責任校對：劉麗麗

責任技編：何雅濤

出版發行：中山大學出版社

電 話：編輯部 020-84111996, 84111997, 84113349, 84110779

發行部 020-84111998, 84111981, 84111160

地 址：廣州市新港西路 135 號

郵 編：510275 傳 真：020-84036565

網 址：<http://www.zsup.com.cn> E-mail: zdcb@mail.sysu.edu.cn

印 刷 者：佛山市南海印刷廠有限公司

規 格：787mm × 1092mm 1/16 25.25 印張 250 千字

版次印次：2011 年 4 月第 1 版 2011 年 4 月第 1 次印刷

印 數：1-3000 冊

定 價：50.00 圓

如發現本書因印裝質量影響閱讀，請與出版社發行部聯繫調換

朱鴻林

詩十三 詞四

朱鴻林，男，一九五〇年一月生於香港。美國普林斯頓大學哲學博士，現職香港理工大學中國文化學系講座教授暨系主任。著有明儒學案點校釋誤、中國近世儒學實質的思辨與習學、明人著作與生平發微等。

過落馬洲邊界

一九七五年

落馬洲前休駐馬。四方溷濁無春夏。落馬洲前應駐馬。桃園咫尺仍腳下。落馬洲前休北望。瘴氣烏煙盤疊嶂。落馬洲前應北望。中原猶有先人壙。不駐馬悲鳴。一駐百感生。不望苦中情。一望淚縱橫。杜康但恨不同行。偏憐肝肺自交兵。歌當哭。前山百里蕭蕭竹。哭當歌。斜川脈脈可奈何。

遊流水響

一九七六年

昔聞流水響，佳境駐嵐煙。嶺帶八仙下，路接沙頭邊。穿林迎鳥語，縱目及桑田。蹀躞今來止，景象異描傳。野花多寂寞，澗草淒可憐。飄風撼瘦竹，密靄蔽層巒。八方嗟溷壤，流水竟無言。魑魅滿崖谷，幽人絕眼前。安得魯陽子，揮戈指九天。

有感次何丘山先生示兒韻

一九七七年

色變純絲路入歧。悲哀楊墨笑羣兒。清談妙語云希聖，點竄陳言務盡詩。風骨建安今渺渺，冠裳長樂各披披。吁嗟功業隨緣事，氣節文章孰肯為。

赴美留學機上作

一九七八年

暫作鵬鯤伴，長空萬里秋。曉雲新大陸，紅燒舊神州。境界隨心闊，風塵破夢幽。沉吟時俯顧，滄海有橫流。

送普大學友西安教學

一九八〇年

渭水行冰泮，梅沙漸凍消。送君歸故國，含笑護新苗。已入寧安地，應思化治朝。何年同食肉，為我問班超。

注：梅沙，譯普林斯頓大學所在地之 Mercer County。寧安，指西安原治咸寧、長安二縣。化治朝，指作者當年專事明代成化、弘治兩朝歷史研究，亦為雙關語。

夏至

一九八〇年

我來園林州，二度夏將迫。河水降回升，木蘭開復寂。曾言欲惜春，春去不能惜。曾呼時

不與，舉頭青天碧。所學竟何學，繁文苦紙筆。離家萬千里，幾謂計之失。靜夜反思之，亦或學不力。曉起臨明鏡，眉目喜漆黑。尚能追日晷，即往攻山石。春日不可留，夏日象剛德。

注：園林州，Garden State之中譯，即一般所謂新澤西州或紐澤西州。

友人過訪問近況漫吟應之

一九八〇年

我來梅沙郡，兩歲食三魚。豈惟物價貴，海利遠所居。偶然啖雞豕，如鯉襲疲鳧。間日嚼青菜，如草飽饑駒。固然白牙齒，漸亦硬鬚鬚。腹中氣甚滿，口內氣無餘。嗟此千般殆，反令一願如。頗能循天籟，幸免濫吹竽。

注：梅沙郡，Mercer County之中譯，普林斯頓大學所在地區。

送人歸國

一九八一年

弱水久遊思漢幟，神州終古仗黃魂。挾書效力談何易，過早生霖境漸溫。劫歷塵沙回淨潔，胸寬眼界覺融渾。新知致用攜歸去，好為邦家作棟垣。

修文謁王陽明祠用陽明諸生來韻

一九九六年

良知人所有，私欲人難免。矛盾如何銷，失解如失眷。山城久逡巡，疑惑一時遣。物情無繫累，性真自發展。旦夕存其誠，俯仰顏不覿。漫步陟龍崗，亭軒浮翠幟。石洞透天心，機械任拋捲。登堂拜遺像，敬恭如侍宴。頓悟曷敢言，所貴時修踐。

落花

一九九八年

綠陰輕踏豔陽天。昨夜曾經粉雨綿。多謝落花仍帶笑，不知遊客已中年。

自壽次陸放翁讀書韻

臨老雖無半畝田。讀書依舊意元元。泥封蚓竅關天罰，默課東西及物言。

注：及物，歐陽修言，文學止於潤身，政事可以及物。

寄懷牟復禮老師效蘭師母山莊隱居

滿車汗簡入山歡。筆削從心老豈難。克己無求真復禮，化人有效久滋蘭。坐收叢菊歸三徑，閒舉圍棋對一盤。卻憶春風函丈日，羣居講論事興觀。

謁羅乙堂師墓與馬楚堅莫雲漢

論交二紀重鷗盟。四海萍蹤聚散輕。浮世幾回同學樂，故山今日共遊晴。師門穆穆多聲

教，神道森森有鳥鳴。奠酒獻花拜興起，重吟伐木響丁丁。

滿庭芳·香港船灣人工淡水湖

堤護波迴，鏡涵巒影，岸沙鷗鷺閒眠。花深蒲軟，紫翠暗凝煙。逐絮遊魚自樂，嘆人定，勝彼蒼天。風光好，鶯梭燕翦，四面綴春妍。悠然。呼俊侶，簫賡白石，塗問中仙。漸心隨流水，夢入湖船。漫譜清詞秀句，深情託，峭壁靈泉。奔流注，翻銀漾碧，深淺異當年。

西江月·紐約登帝國州大樓

多少年前夙願，萬千里外初遊。落花時節又登樓。往事正堪回首。春水江中逝去，夕陽山外難留。一杯清酒發清愁。我欲無言已久。

菩薩蠻

半生落拓情如水。東流和雨西和淚。殘夜意低迴。紅顏映酒杯。修眉雙翠羽。目度溫柔語。何必苦思家。燈前人似花。

蝶戀花

九十春光餘幾許。天子多情，慣作無情與。燕影鶯聲留不住。青梅紅杏瀟瀟雨。江海潮回花欲語。已近無情，偏又多情遇。盡日遊絲牽落絮。依依夢裏還來去。